

黃母王孺人七十六壽敘

湖北 翰林 蔣祥墀

乾隆丁未歲墀以公車留都晤育堂黃老父臺於館閣寇燕山先生署接其言論風旨卓然不羣既悉其爲壬午先達需次銓曹叩其設施經濟則談之慷慨若其所素經者心竊異之遂時相往來稱莫逆交庚戌冬適奉

簡命調宰玉陽下車之後每出閣視事日平反十數案不假聲色而兩造成服益嘆其言與行符非得力於良師友之涵濡卽得力於賢父母之訓迪可知也嗣進

大竹縣志

卷三八

藝文

三

遯家世迺知其太祖以孝廉任西蒲卓有循聲大父以明經任學博聿垂教澤太封君大人制藝立品尤爲諸生所敬服歷任有司咸重之故人皆羨其學有本源而不知太夫人之誘掖刻成者尤多焉太夫人出自名門累世簪纓視夫族不相下而太夫人賦性恭謹舉止賢淑不以富貴自矜凡舉其身範以處上下內外間者無不與幼儀內則相符合里閭咸欽之當歸我太翁先生時太翁方習舉子業刻意進取不謀生業太夫人乃代爲經理不以細瑣累其志上事

翁姑存沒以禮截竹結席不足道也中相夫子夙夜
佐讀舉案饁耕不足道也後舉丈夫子八延師教之
百里無難色陶淑所致列青衿銀袍者濟濟稱盛雖
和丸封鮓何以過此墀聞之善始者不必善終善作
者不必善成今太翁先生才高數奇以未了之願付
之嗣君而太夫人以母道而兼父道劬勞倍至督課
甚嚴不十年而我公早登賢書諸嗣君先後補博士
弟子員是其始之作之於太翁者皆終之成之於太
夫人者也易曰坤道無成而代有終其斯之謂與客
不負

朝廷我之所以教仁者其克守無失否迺勉爲一來蓋
以覘公之治績也夫以我公之治當陽刑不爲不清
政不爲不簡教不爲不善一時歌來暮詠樂只者口
碑載道似無待加勉已足慰蒼生之望矣乃我太夫
人尤諄諄戒勉我公而深慮我民之不克底於仁壽
之域非古之所稱大德者與夫大德必壽將由耄而

耄而期頤以綿於無算豈可以年歲計耶清和望七
爲太夫人設帨之辰士民咸欲製屏稱祝介余一言
以誌其盛余維魯頌之詞曰黃髮兒齒旣多受祉此
魯侯之壽其母者而不及其內行之美彤管之貽猶
有闕焉墀不文緣與公交久及聞之寇燕山先生者
最悉謹述其懿行以爲他日持節扶輿之左券云是
爲序

送大竹宰陳西圃赴巴塘序

甯 錡

三藏自入我

大竹縣志

卷三七

藝文

五

朝版圖以來與四川通道其地荒僻遼遠不設郡縣聽
彼喇嘛土司等自爲治惟

欽差大員二人鎮壓之例調川省州縣五員駐臺三年監
放兵丁糧餉瓜代之期由方伯選其人年力精壯者
上議制軍檄委赴調而有親老或有他故不能行者
得陳情告免此例外之意大吏之公也大竹宰陳君
年六十矣精力強壯去年屯練降番勦滅臺匪凱旋
過竹有二番兵見縣宰肆無禮陳君用手一格二番
兵如嬰兒仆地從此過境肅然士民稱快今年春奉

委管巴塘糧務檄下縣陳君遂具行李就道竹之父老子弟擁前泣曰我侯蒞竹六載眞如赤子保我上官豈不聞之乙巳冬歉我侯不及上請卽發社倉穀賑饑後勸縉紳來秋蠲租還社每日六鄉散賑壯者枵腹而來先煮粥以給其飽復令挈米以食其家自臘月起至丙午麥秋止所活數十萬人皆我侯再生之德我等何忍一日離也共隨我侯上省求上官免理無不允陳君毅然曰

土事均勞爾民何知大義如必欲畱我我將挂冠遯□□

大竹縣志

卷三八

藝文

六

巴塘在藏第二站遠不過五千里久不過四三年爾民各循分安業以待我回其毋動於是壺漿百里陳君惟走馬沾唇以慰之邑之婦女保抱攜持匍匐追送甚至有號泣呼父母者嗟乎陳君忠信篤敬慈惠人也觀治竹之政竹民之愛戴如是其管巴塘糧務必能優恤兵丁悅服番入無疑也大吏可謂知人錡托葭莩又辱同舟自愧治行之犬不及陳君且惜其遠行之爲竹民悲也故序而送之□

寓川草敍

李雲程

天地逆旅也萬物皆寓於其中耳人則寓中之一也
我又於寓中之微者也居不過數尺食不過再餐假
歲臻百年亦只寓於天地間三萬六千日耳自天地
視之曾不能以一瞬我何必於其間逐逐有所爲泛
泛有所思曉曉有所言毋亦如客之勞擾於主人之
堂喧嘩於主人之室假我爲主人必不樂觀此狀聞
此聲也然則我亦何所不得已哉且我生於滇滇固
寓也嘗遊於黔於楚於燕於洛於揚於青無往而非
寓也今流寓於川不又寓而又寓乎四大亦皆寓也

王人非寓耶主人者無寓而無不寓而實以我身爲
逆旅也夫我身爲逆旅又爲客亦爲主人主人有言
客能不從之乎客而有言主人能不聽之乎夫一人
言耳或爲客言或爲主人言誰是誰非旁觀者清必
有能辨之者今余寓川寓川安川作一無事客耳然
課徒酬友觸景興懷不能無言顧寓川言川隨筆付
之原不存稿無何門弟子輩輒私記之數年之中亦
竟成集今擇其稍有理趣文情者錄出名曰寓川草
不過在逆旅中作故鄉曲以自遣耳然草之云者亦

寓也豈謂是草能長爲客於天地之間哉

舊志序

陳仕林

李吉甫元和郡縣志詳疆域而不及人物識者譏之蓋郡縣之有志非徒紀山川列風土爲載籍之具文也固將以已往之薰蕕作將來之炯鑒其紀事必詳而核立例必簡而明衡人必嚴而當使後之覽者曰某也忠某也孝某也節某也義慨慕流連聞風興起而人心以正風俗以端故說者謂作志與作史等志豈易言者哉竹陽地當川北三山兩谿幅員遼廣甲

大竹縣志

卷三八

藝文

八

於他邑由古迄今其間政治之因革風俗之遷移以及版籍日增人材輩出宜乎美不勝書迺嚮者會城續修通志大憲徧徵府州縣志以備採擇前令林君撮序事蹟鈔帙以應不能無蕪襍挂漏之譏是以省志成而竹事因陋就簡獨從其畧乏志故也壬寅冬予甫下車卽謀之諸紳士卒未果今年夏雨澤調和閭閻豐收訟獄稀少幸相安無事爰復與縣尉蔡君加意訪求而劉生裔超以家藏舊志鈔本進乃康熙戊子孝廉王栩岑諱以曜手訂也其自敘曰余適閬

州中途日暮失道人荒陂得古刹野宿見神廚內有壞帙蠹蝕不可讀中有一帙首尾無存閱其可讀者乃有明大竹縣志也僅得城池星野沿革古蹟人物名宦祠祀數條亦未知刊自何時編自何人也其後裔王生敬宣出其底本亦大畧相似然後知竹邑固未嘗無志特明季兩遭兵燹簡編散佚無可考稽耳昔昌黎有言莫爲之前雖美不彰莫爲之後雖盛不傳斯志成於有明而消磨滅沒越數十年而得之王君又越數十年而得之余續而絕絕而復續豈非理

大竹縣志

卷三八

藝文

九

數之不容終泯哉余讀之喜不自勝而惟恐其久而復失也亟布告六鄉紳士各舉所知選邑中之博聞強記老成端謹者入館修輯分門別類僞者正之缺者補之後起者續之俾學士大夫披覽之下可復窺全豹而

國家採風之使亦得有所考據庶幾仰副

聖天子勵精圖治省方問俗之至意若夫紀事之詳而核立例之簡而明衡人之嚴而當余才識迂疎自愧未能請以俟後之君子

書大竹縣誌程君死事後

順慶府知府

符兆熊

東崖

歲己酉犬竹令陳君仕林于役巴塘時余已奉

命授果州守因軍務駐鑪陳君出大竹縣乘載程君死節事頗畧余與程君交久同患難備知守死端末爰益誌之君諱蔭桂字燕山號香巖浙之杭州名族少讀書能文負意氣年五十由孝廉發四川乾隆己丑補大竹縣令利興弊草教養兼至古稱慈父母者君其有焉粵自壬辰金川不靖勞我

王師余馳驅戎馬間遇君於熱水站相見甚歡君挈其子

大竹縣志

卷三八

藝文

十

烈年未弱冠問之曰豈不聞忠孝出一門乎使之閱歷戎行亦可備用余韙之而竊疑其言是年冬十月南路元戎阿破單扇門君理料多糈務撫民夫民夫効命輓輸獨速癸巳六月朔登達降番復叛西路道阻余在僧格宗臬轅君馳至籌及戰守昌言曰今日之事與站存亡正効命時也初七夜賊從西山壓糧臺鎗石雨下君率兵夫力守賊放火燒糧臺眞犯君君曰我站官也寧殺我毋害民夫是時火光燭天聲若雷動站夫感撫綏德衆志成城有納溪縣尉許濟

者東光人辦厥務在科多後山聞鎗聲疑有變奔至
執長矛大呼兵夫力救糧臺不用命者殺之或告之
曰事不可爲宜請救兵許曰此何時可託故走耶持
矛殺入糧臺斃賊六七人而程已受傷仆地許曰爲
今計惟移後山尙可避鋒力護於是衆民夫用背架
舁君君子烈憶印在礪復冒火搶出羣聚山坡賊竟
不犯因趕圍僧格宗不暇顧也天將曙救兵不至君
命其子與家人護印涉河赴僧格宗求救烈相對泣
下君叱曰吾死不足惜何忍衆兵夫付賊手急揮之

少君策馬渡河賊又猝至家人背印稍後聞賊漢語
者曰此長人最能殺先殺之鎗刃俱下程許及僕衆
一時被害許頎然丈夫故賊指長人也烈至河干遇
賊投河死家人奪馬奔渡賊刃其左臂馬捷獲免奔
僧格宗繳印臬轅余詳詢家人某備述如此因爲位
哭之時僧格宗已被圍官兵不能救余同瀘州刺史
王用儀江安令王承廣江南令楊榮晝夜防護身親
鋒鏑幾至不保都統舒帶兵救援僧格宗始守九死
餘生彌嘆程許兩君之同難爲可悲程君父子同難

之尤可悲也後余在章谷隨督餉大臣桂辦理恢復事一日扶乩題詩云生死終由命窮通不必論三年空飲憾功業屬他人因問之大書死難大竹縣程某也問居何職書爲蠻方土神嗚呼君生爲良吏死爲正神

朝廷有褒忠之典大吏建慰忠之祠君可不朽矣回思一門忠孝之讖寧殺我毋殺民夫之語至今凜凜有生氣云

說

大竹縣志

卷三八

藝文

十二

皇清

大竹說

李雲程

竹君子也大竹大君子也有其名者必有其實況君子耶竹陽之得名諒非無其實也邑志未見見郡志唐大觀元年始改今名大觀者唐武則再改元年也意其時所謂大竹者有而且多翹出他邑故得獨名且非和竹也其君子治之者虛心折節容保無疆而是邦士夫聚族於斯者尊賢容衆高節立品若小人之德欲美斯美隨風捲籜斯其爲大竹耶至今沿千

餘年時異物非而所謂大竹者寥寥矣志所稱載父老相傳亦多不雅或曰實亡名存所稱大竹亦偶取名不必實有其物也余不謂然卽以鄰邦言之渠取宕渠鄰取於山亦於水墊取於江梁取於山漢時名胸臆縣胸臆蚓也以此地多此蟲故名則知大竹之非無取可知且大竹典籍亦多矣如山海經某陵有竹大可舟神異經南荒沛竹可爲大船南方草木狀雲坵之竹節可爲船然此得之所聞也而余滇之南剖其竹節可爲桶爲柱者曾經目覩則今亦未嘗無其實耶

後大竹說

大竹其地雖多竹然亦如他處初無大者父老鮮傳邑志未見不知其何所取名曾爲說以辨之矣後閱通志竹西有鳳來鄉以鳳凰曾集於此故名意大竹之名其取鳳凰之來耶或曰鳳非梧桐不棲然不聞

庭栽棲鳳竹乎且鳳非竹實不食食其實未有不樂
棲其枝者第鳳非竹實不食亦可疑焉曾親見竹之
花實其花不香其實不大似麥穗而較稀花實後其
竹精氣洩盡而死是不祥者也鳳何爲食陸佃云竹
六十年一易卽花實而枯死實落於土復生夫有食
後生此固天地生物之理而無絕物之心也然竹六
十年方實將鳳六十年方一食乎而張華博物志止
些山多竹長千仞鳳食其實山去九嶷萬八千里云
夫竹長千仞其大可知其實之美且多可知是鳳之

所食者原非尋常耳目間者也但不知此竹日日實
耶歲歲實耶亦如常竹六十年一實卽易耶夫物之
大者壽必久如百千年始一易一實焉鳳不更艱於
食耶意鳳非竹實不食特極形其食之廉潔耳然則
大竹之大以鳳之來故大之猶欽差尊爵之稱大人
耳豈眞形體之大也哉或曰子之說然矣但大竹之
名亦偶然取之耳何必稽其實余曰不然卽以蜀言
之蜀肇於人皇爲蜀山氏爾雅蜀者獨也言不與他
處相連屬也舜置十二牧蜀曰梁州晉書梁者言西

方金剛之氣強梁故名漢武帝元封五年改梁州爲益州晉書益之爲言扼也言其地之險扼亦曰疆壤益大故名之宋太祖乾德三年平蜀置西川路川流水也以蜀地居西且多流水故名咸平四年分置益梓利夔四路總曰四川是卽地同而名異亦在在因實而取如此然此猶遠者也如竹之四鄰西有渠邑以渠水得名南有鄰水亦以其水名東曰墊江北曰梁山各以其地之江山而名若梁山於漢時名胸臆此蟲名乃蚯蚓也以其地多此蟲故名夫蟲且可名

大竹縣志

卷三七

藝文

十五

縣亦以其地之所實有而且多者名之大竹何獨不然乎故余前徵竹之大者不可得姑以其多者爲說今則會大之之意而又以鳳來鄉爲說也大竹立縣始自唐之久視元年也前則皆屬渠州又合鄰州大竹之志其若斯乎

錄

高僧錄

余寓大竹西關百步許有寺名無際愛其清幽嘗數至焉問寺所由名曰昔有高僧號無際者曾棲於此

因名叩其詳則無聞矣心甚奇之欲考無由今至果城□郡志於仙釋內甫見大書無際禪師字如逢故人不覺驚喜蓋余以無際爲竹人則亦鄉人也及閱注乃鄰水人明時結庵海寶山二十餘年得道昇去其跡尙存止此數語所記亦畧悵然者久之欲爲掩卷已而閱其次有不二禪師注云無際徒也纔讀此語又喜急閱通小乘法知未來事遇上召不二言於師曰御殿氈褥不可履也下有大乘經又御賜清茗不可飲向南傾之以救吳災際詣闕如言而行啓氈視之果有經卷覆茗後果報吳有火災得黃雨滅其焰云余初爲無際竒以爲寺以號名必有不可朽者志云得道則亦信矣茲復爲不二竒通小乘法耳卽得慧而豫白於師然又疑焉師無慧徒有慧徒不勝於師哉恐語錄之不實而志引之未當也蓋聞道體也慧用也有體必有用無際有體而無用乎不二無體而有用乎或曰慧小智也如子貢之億中耳其有無於道無加損也然子思不云至誠之道可以前知乎復疑無際之得道或非眞已而思之無際當時則

朝廷召之後世則梵刹宇之非得道者惡能如是而其走馬燈詩世爭傳之團團遊去又來遊無個明人指路頭除却心中三昧火捨刀人馬一齊休玩此一詩是眞有道者乃知得道有兼得慧者如孔子之聖智全也有得道而未得慧者如尹惠之聖也有得慧而未得道者如臧武仲之智也則無際之無慧誠不碍其爲得道然無際有此徒無際亦有益而生色矣故喜合錄以補昔之所未詳豈不爲竹人而遂置之哉然竹與鄰爲接壤則鄰實鄰邦也鄰有奇人安能

大竹縣志

卷三七

藝文

十七

翹然乎雖僧所弗計也

孝子錄

李雲程

嗚呼大忠大孝固屬罕聞而愚忠愚孝亦不多覩也余寓竹已十稔視竹地如桑梓有一善樂爲揚之有一不善欲爲止之此吾於竹今之人情不自己者也一日在果城閱郡志於孝義內見昔一竹人則張君賢也明正德間父爲賊所獲欲殺之賢以身蔽父賊砍其臂又折其唇流血數升祈請甚哀父賴以全賢亦不死余覽畢而嘆曰嗚呼是其愚不可及者乎父

子天性當患難之際舍身不顧而必欲全之賊爲感焉天亦成之故得兩全設不幸而父死賢亦必死父不死而賢死賢亦無悔此天理之在人心雖匹夫匹婦能有如伯夷叔齊之求仁得仁又何怨者乎其不可及也而卒如甯武子之保身濟君其愚又可及乎哉嗚呼余不孝遠客他鄉父生不得盡養父沒不得臨喪欲以身代而何及徒爲天壤之罪人也然聞忠孝之事未嘗不羨慕之况張公爲我竹人我縱愧之我尤樂表之也嗚呼誰謂大竹無人哉武生王蘋可

大竹縣志

卷三七

藝文

十八

謂愚忠庶民張賢可謂愚孝

少尹黃公兩溪墓誌銘

嘉靖
戊午舉人

吳春

明嘉靖庚午冬十一月十有五將仕郎黃公兩溪葬公配游氏孺人先期具札請銘春不覺哀感春素荷公愛戊午秋叨中榜列報一至家公甚喜旦暮相過作主人分屬家務己未秋春自京師還而公已仙逝矣傷哉今雖不能文其忍忘公之愛而辭之按行狀公諱宗澤字體兌其先楚襄人中憲大夫黃公之裔遠祖敬祖元末避亂入蜀至大竹居焉肇造培植

族漸繁衍曾祖維祖汝匯並受七品職父玘號醉庵
領成化丁酉鄉薦尹南漳後擢均州刺史母李氏性
多慈惠公其季子也伯兄宗乾湖廣黃梅判簿仲兄
宗載南京溧陽判簿公少多聰慧有大志早遊芹泮
因父命入補太學生歸省克敦孝友道平居丰度洒
落不羈內實剛直不苟阿譽不樂請謁爲有司所重
然未幾見忌於羣小中年常被誣挫辱久之奏請獲
伸咸謂天道於公有知焉嘉靖癸丑選湖廣華容少
尹容楚要地屢年水荒兼值倭夷寇作調軍頻經容

路公署容事皆措置有方民賴不擾當道薦揚曰守
己愛民精力有爲又曰處事嚴明存心不苟方擬超
擢而公疾告歸當離容父老送至有垂泣者其感人
如此公產業素厚非屑屑利祿者旣得解組林下則
笑傲雲山弄風吟月每親友過必畱坐與話敲棋酌
酒繼以歌舞終日不倦不復知有勢利物我矣公以
三十六年歸休己未夏乃卒孺人游氏德性幽閒有
母儀室中遺腹女一孺人謂公無嗣葬公於祖墓之
左期同不朽封砌宅兆每扶病往視務極堅好公有

姪五閣圖扉屋達皆庠生有科第望公之祀賴以不絕公生宏治庚午年十二月十一日亥時卒於嘉靖己未年四月二十八日銘曰有功在容有聲在竹五十餘年不爲歿促姪多且賢不爲寡續少尹休封維公實寧鐫石埋詞百世永貞

陝西潼關道徐公樸齋墓誌

明江蘇
縣丞江

予與樸齋少同遊義交莫逆雖宦轍南北通口如面談及歸林下白睂相與者復數年不幸公棄我往矣茲將窆迺嗣衰經執杖丐誌義不敢辭謹按公諱萬

大竹縣志

卷三七

藝文

二十

福更諱萬璧字朝重字完卿樸齋其號也先本河南固始縣人始祖仕蜀爲鎮撫司元末籍於大竹衍六葉矣一世孟尊諱一品二世曙東諱以晟三世志叟諱友中四世柳庵諱思高皆備德光耀五世松庵諱旻爲公考性淳德劭初封文林郎加封奉政大夫戶部員外郎妣卓氏有賢聲初封孺人加封宜人昆季五公居長秉性剛直不悅奢麗幼嗜經書不煩傳訓年益長學益充領己卯鄉薦癸未進士及門之徒甚多如查懋光等皆以甲第居顯耀釋褐授浙江江山

縣令一洗舊政頑梗歸化先有土豪王佩毛林者陷
害前令一家三命漏網未究公白當道藉沒其家倉
儲積稻遇荒輒賑民樂更生邑有火災救禱隨滅修
理文學政績卓卓可紀撫臣交章薦公欽任風憲屢
陳時弊權倖聞而懾懼陰擠之不畱科道出補鎮江
府同知時水盜蜂起羽檄交至公親身督捕江路以
寧旣丁外艱哀毀過甚治葬從禮服闋以太宜人年
老無意仕進強之補任寧國府介直如鎮江時尋擢
戶部浙江司員外郎出納錢穀謹密斟酌被誣得釋

者十有七人其贓罪真切者雖有權貴之託亦不少
恕陳御史薦章云遇事有壁立萬仞之剛鞫獄有直
窮到底之詳蓋眞知公者再丁內艱服闋補陝西僉
憲嘗曰爲臣子當上不負君下不負學使不稱職則
食祿有愧矣故遇事推詳不附容悅有囚罪不應死
御史周偏執定決公固爭不可遂投劾而歸縉紳贈
詩有不隨世俗阿驄馬甘向山中作臥龍之句旣歸
養高自重篤親睦鄰建家廟申教令積粟以周族黨
邑有利弊極力陳言息東鄉之賦役罷萬縣之夫馬

皆出於至公燕居手不釋卷外事誓不請託平生立
朝奏議並各詩文合集之名曰五鳳雜稿初娶處士
藍碧之女有淑行封孺人加封宜人年三十五卒繼
配蔡氏子三曰梅曰程曰枝枝庠生梅程俱習舉業
孫一曰起祥梅出公生於戊申年正月十一日卒於
嘉靖乙卯年九月十三日享年六旬有九以次歲丙
辰年四月初九日窆邑南地名藍家垵與藍宜人合
葬焉嗚呼公勲業半天下有臺輔之望惜其直道不
容於時史官當載諸直筆不待余志公而後公爲不

朽况余不文何足以稱揚公德哉據實書珉藏之地
下旣感交契亦重違孝子之志也

壘秀山墓誌銘

王以曜

孝廉先生王公諱以曜字栩岑元一府君之第五子
旭旦方升東暘若木之弟孟羲冲和之兄也生而愿
慤坦直好義操行履潔無才智可過人一編自娛自
幼至老不倦人有善津津不置口有未善未嘗輒鄙
棄卒亦不伍也幼受學於父兄壯而好遊足跡遍南
北居京邸坐待春闈者十餘年終不第中間得與賢

士大夫遊資其講習於書無不讀於賢哲無不交處
以此尙友親仁淘汰性靈融鑄鄙私乃稍能善其身
淑其行至老死卒少遺憾也他如詩文雜技志不求
工然本經史之腴充積於中又所歷名山大川蕩心
駭目蒼莽離奇自然挺勇神謀故發爲文詞雖無甚
過人亦稍能絕去俗態也年六十餘以縣令終歸休
林下仍潛心經史日求心得不以餘生自曠時而意
興領徹由晝夜以例寒暑由寒暑以至百千萬歲其
間化機消長人物代謝止於已取之近在呼吸之間

此又理之自然學者悟此可識道體可參造化矣至
若伯倫之忘死右軍之痛死一冥情一滯戀皆非無
心任化也人苟有了然獨覺者存而不物於物其視
一彭殤齊死生又覺多此一翻安排而冥情滯戀更
不足言矣但以電閃光陰鴻去跡存故自著有雪泥
鴻跡一冊其行畧粗具於此生平詩古文詞頗多今
皆芟去僅存近體古詩一冊又所著有家譜全帙並
竹陽紀畧二卷醫理精華二卷其他雜著不敢鬪靡
皆火之不存今年近七旬悼我兄若弟皆淹逝獨以

衰憊餘生孤子無與立因自卜宅兆於祖宅之右壘
秀山之陽倣栗里先生生前自撰墓銘以身前之鴻
跡偶寄雪泥還以身後之遺踪付之夢幻他日神遊
絕筆諫不至神呪浪出爲達者所嗤也銘曰壘山之
英秀拔崢嶸壘山之陽山高水長更百歲而千秋兮
又竊笑丁令之回翔

王公旭旦府君墓誌銘

王以曜

嗚呼公之沒今三年而曜與公訣已九載矣余小子
何忍銘公然不銘則公無傳不以曜銘公則不足以

知公而公亦不能以盡傳也公諱以暉字旭旦先君
子年三十六始生公行居長爲冉孺人出生而穎秀
醇謹五歲就外傅日誦數千言八歲能作文多雅潔
可誦十二補博士弟子員卽有聲膠庠中當彭寵跋
扈之秋先君子羈身在外吾邑擾攘多故公年弱冠
獨能重足屏息以消外患及世平先君子致仕家居
嘗苦家僕跳梁公佐先君子質於省獄始平嘗淬礪
舉子業自甲子赴鄉試困棘闈者三庚午就明經選
先君亦於是歲捐館公哀毀骨立中經營葬祭皆能

成禮至癸酉生母冉孺人卒是時我兄弟奉養先夫
人居祖宅數年間兄弟各居奴僕凋謝家計人事俱
非昔比矣猶幸先夫人在堂兄弟無故公竭志承顏
撫慰諸弟耕讀自効皆能得太夫人歡心己卯余下
第歸眷屬居城公乃館余於鄉課諸姪因得屏去一
切世故折節讀書淬礪者三年當時花萼一堂風雨
數編把酒論文極人生昆弟之歡太夫人顧而樂之
曰王氏有後不棄基矣戊子冬余以公車赴北困於
春闈三年未得歸公亦南遊於楚至壬辰秋而太夫

人已卒於家矣公與余先後歸里抱憾幾不欲生越
明年安厝畢至甲午冬服闋余復北上與公別從此
去家又六載公於丁酉授鹽亭學博庚子冬余攜眷
南還而公之柩已先期歸家矣是公之沒在庚子而
與公訣已在甲午也蘇公云與君世世爲兄弟古人
欲結未了之因其事固未可知然骨掩青山不待他
年夜雨始傷神也公生平孝友謹厚其事先考妣類
皆至愛由衷和婉自達晚年體多弱太夫人愛惜特
甚每至前撫慰倍至嘗恐稍去膝下其處親間語言

披露毫無假飾平時默默若無能及遇事變勇於從義絕不畏避性不善飲最喜人飲客至必治饌具以盡歡爲快其婉欸周篤類如此公生於康熙九年壬寅三月初五日於康熙庚子年四月二十日以疾卒於鹽亭官署本年十二月二十八日初窆於盛家埧復遷於祖宅之左元配冉孺人西陽宣慰使司之女生子奕璜邑庠生娶李氏孫正署正惇俱幼余嘗論公神清而骨寒公曰神清可以仙骨寒亦可以死今以中壽終公之自知殆不爽與銘曰嗚呼余永無所

依怙而公得從先君子於九泉公之沒其有與爲附乎而令生者有無窮之悲也

龍泉話歸作不二禪小叅

董鰲

時人隨好說因緣我道因緣不妄拈昨何衆中畧引動桂花風細透清禪且道說因緣如何插在桂花風去無乃頭下安頭疊牀架屋憊切支離究是不然昨在龍泉當堂說話亦是說現在本分因緣并不扯葉攀藤指東話西卽如谷和尚在日據席親付法嗣以爲可授乃授而授受相承卽有出頭之望彼出頭者

自必面面相窺心心相印鼻孔一同出氣是接法者
早被辣手穿住鼻子任你跳躍如何掙脫豈非有因
便有緣因緣湊泊卽相牽動就今衆啓一僧令其主
承法座此僧乃分辨推諉余因笑說汝鼻穿久不能
再擗不覺陣陣風來桂香滿屋余爲感觸更大聲曰
鼻穿久當聽牽大衆看我勒索一堂哄然此僧方纔
應諾餘芬猶然輕遞衆皆曰是間前桂花香余笑而
領思看來鼻孔人人皆有只爭香聞早遲話畢各散
輿歸默忖昔人嗅木樨香得悟只一句承當曰吾無

大竹縣志

卷三七

藝文

二十七

隱乎爾名宿以爲妙印今此敍語不覺前後彷彿竟
似一重公案較之圓澤三生石上一笑爲證更覺機
圓順便且云穿鼻牽鼻適逢桂粟香上鼻頭大衆都
皆聞者儼然人之有生先始於鼻而受氣成形無不
由之茲當敍話又偶爾相及就中微妙當有言下承
當乃爲不負比在肩輿口占曰過院逢僧次第商開
中圖靜獲清涼等閒識得因緣事細嗅靈山絕妙香
穿就鼻慢裁行清醒踏向長安路消盡平生各種忙

嘆

出山提唱坐山腔人當笑我老而狂遊戲塵

寰料無妨

大竹縣志卷五十

金石志

物壽則靈器壽則寶金石至堅歷劫能保陰陽爐炭造化刀錐元氣斑剝靈鬼護持或鑄偉形或供奇玩摩挲宋元彪炳秦漢禹鼎湯盤文鐘宣鼓物亦何奇人之好古作金石志

大竹縣

銅鐘寺在縣北八十里張家庵內製甚古相傳自禪頂

隍廟鐘元時鑄鐘上有大元西蜀四川東道順慶路渠州大竹縣榮安鄉巴西王鎮彌勒寺天皇至

大竹縣志

卷三十八

金石

一

正八年諸字

秀峯寺鐘寺在縣北七十里移來鐘一口明嘉靖二十年

中峯寺鐘寺在縣北四十里鐵鐘一口明天順二年

葫蘆寺鐘寺在縣北九十里古鐘三口一隆慶年一

冷家觀鐘觀在縣南五十里鐵鐘一口明萬曆五年

雲臺庵鐘庵在縣北五里鐵鐘一口明萬曆十六年

永盛寺鐘寺在縣北三十里鐵鐘一口明萬曆辛酉

孝感寺鐘寺在縣北六十里鐵鐘一口明宏治甲子

九嶺觀鐘觀在縣北三十里鐵鐘一口明天啓四年

無際寺鐘

寺在縣西一里鐵鐘一口明崇正八年鑄

蔡家庵鐘

庵在縣北三十里鐵鐘一口明崇正十三年鑄

高峯寺鐘

鑄寺在縣北六十里鐵鐘一口明崇正三年

西聖寺鐘

鑄寺在縣北三十五里鐵鐘一口明崇正七年

長樂廟鐘

廟在縣南六十里鐵鐘一口明崇正戊子年鑄

隍廟鐵爐

高丈餘巍然如亭製極精巧明隆慶間鑄

藏經閣鐵瓦

閣在縣東半里乾隆二十七年重修折舊閣在得鐵瓦三片二上七大周二年折

四字今仍覆閣上

無際寺銅像

尊明在縣正西八一年鑄佛一尊又有鐵佛六

大竹縣志

卷三十八

金石

一一

永豐寺銅像

掘地在縣北八十三里本古寺兵燹後廢後

觀音寺鐵像

鑄寺在縣南六十里鐵佛三尊明陰慶年

藏經閣鐵像

鑄寺在縣東半里鐵佛五尊明時鑄

葫蘆寺鐵像

鑄寺在縣北九十里鐵佛一尊明時鑄

中山寺鐵像

鑄寺在縣北三十里鐵佛一尊明崇正四年

高鳳寺鐵像

鑄寺在縣北六十里石像一尊明正德二年

中峯寺鐵像

鑄寺在縣北四十里鐵佛一尊明時鑄

鐵佛寺佛像

鑄寺在縣東八十里鐵佛三尊明時鑄

老君廟鐵像

鑄廟老君靈官二尊乾隆週五十年鑄石壁鐵

眞武閣鐵像

年閣鑄在鐵西關外一鐵尊自師大佛寺乾隆五十三

洪佛寺瓷像

王寺錫在燦自北景德十里鎮迎瓷回佛一尊明兵馬司

破山寺瓷像

自寺廣在東韶北七迎十回又瓷有佛鐵三佛尊一破尊山明和萬尚

歷癸酉年鑄

永盛寺石像

酉寺年在造北三十里石佛七尊明萬歷辛

雲靜寺石像

接寺引在佛一東七高一丈六尺歷二佛年二尊巖小鑿

佛十餘尊

古寶城碑

九域志云古寶城有古牌文字磨滅

漢馮煥殘碑

下永寧式云年馮煥碑斷目碑云六在大可竹見縣者古或寶行城

大竹縣志

卷三十八

金石

三

有煥七字四月釋云建光尙元舊即年永寧二年是歲七月改

三十九其字云策北鮮卑賜逆者馮元緄六年詔除於幽州

中帝愍之賜錢十月也萬帝貫紀是書建光也元末有正月寧幽二州刺

史馮煥率二僞郡太書守殺元高菟太驪守穢姚光不緄傳四月遼州東

刺詐疾忌奸惡元菟以太歐守刀光亦奮行人刑建奮光元斬年光怨

收煥煥疑詔有異改元自煥以病四月獄終中故碑光上用元舊即年永

也碑字無幾而皆與史合

馮煥殘碑陰

司隸釋云漢馮煥十餘碑人其諸間有史貫及穎川下

汝南陳國者皆豫州舊部也

車騎將軍馮緄碑寶刻額叢馮編公漢故巴郡騎將渠人馮公之

字皇卿而本傳作鴻卿碑云者一以要金紫之貴也銀艾以緄

永康元年十二月卒

馮緄墓六玉碑二寶刻則叢二編驢其上一有人跨三其足右狐者力最

下碑一牛一首蜀人謂之雙道中蜀人謂之續六又物一碑上與六

馮緄墓單排六玉碑寶刻叢前碑上為雙有排而雀元武為

單排恐亦是馮緄羨道中物也

沈君神道碑即縣北里雙石一闕輿云漢謁日者北雙屯石闕馬在

大竹縣志

卷三十八

金石

四

左都侯沈府君神道其一字鐫道云漢新字發令筆交趾長都尉

三四寸許刻朱鳥交其下兩筆皆刻元武左刻筆一亦獸之碑首圖

若一人而角環在子闕已缺其爪所據之隸官釋也二神道蓋

勅賜孚惠靈公廟碑在縣東八十里磨然山晉太康

雁塔碑塔在文昌宮前嚴塔前古碑欸一座可識天或傳為柱

明孝廉黃侗書

西禪寺石屏寺在縣北八里石屏一座上鐫扁對書

雲靜寺石壁寺在縣東七十里石壁刻有清涼國師

漢孝廉馮公里坊在西馮緄外建數步有明鐵籬俗名為鐵籬騎

坊毀至嘉慶己未年三月內教匪臨城焚掠西街外始

經魁進士坊在懷古街明萬曆丙子經魁庚辰進士

致仕風清坊在雲南街致外仕忠同孝街明達天啓乙丑為恩進

楚衡良令坊明致萬曆乙未為湖廣衡陽尹盧應槐建

恩光坊夏在懷古街明嘉靖乙丑為中都留守司經歷

山川明秀坊知在徐關外一里明天啓間為歲貢任同

奠安古隣雄鎮北川坊布在城西司一分守明隆慶初四參川

鄒建

致仕同知坊在縣南十里明萬曆中為盧心榮建

大竹縣志 卷三十八 金石 五

青雲繼美坊增在縣南一百二十里明崇正初為儒學

奉直大夫坊在縣北十里明正德中為舉人張橋建

滇楚良牧坊在縣南四十里明崇正中為葉某建

忠孝人家世德濟美坊府在縣東一百二十里為常州

進士坊丁在縣東百里七碑石下為萬曆乙卯恩進士

恩光坊建在縣東八十里牌樓灣明天順中為張崇科

岷鳳鍾祥書臺拱吉坊已在縣北二十五里明隆慶己

梅桂聯芳坊明萬曆間為貢生黃近仁建

德門衍慶坊在縣東八十里為雲南同知羅興達建

世德相承坊

在縣東七十里

明隆慶丁卯為知州盧

恩榮坊

在縣北四十里

陳家坪明萬曆中為鴻臚寺

恩榮坊

在陳家坪明萬曆中為光祿寺卿陳仕銘建

恩榮坊

在陳家坪明萬曆中為史部郎中陳仕鎔建

鳳山坊二

在天縣東八里一坊陽書第一山千仞四字書

陰書天仙會處四字俱明萬曆間建書法甚奇古

古隣坊

在縣西十五里東嶽廟前上鑄古隣勝概明

文昌宮坊

在縣南半里上鑄雲霄聯步明萬曆八年

徐氏墓坊

直縣南四十五里為徐明萬曆父徐旻誥封奉

大竹縣志

卷三十八

金石

六

老君廟坊

在縣東郭外老君廟前陽書衆妙之門四

皇清

進士坊

在李家嘴康熙十年為庚戌進士陳瑄建

陳氏節孝坊

氏馮瑗妻坊康熙六十年建

蔡氏節孝坊

氏黃德馨妻坊乾隆三年建

王氏節孝坊

氏尹萬年妻坊乾隆三年建

孫氏節孝坊

氏鐘靈妻坊乾隆三十年建

尹氏節孝坊

氏楊雲睽妻坊乾隆三十七年建

何氏節孝坊

氏黃章稜妻坊乾隆三十七年建

王氏節孝坊

氏周紹旦妻坊乾隆三十七年建

李氏節孝坊

氏朱其蕢妻坊乾隆三十七年建

蒲氏節孝坊

氏胡泰治妻坊乾隆四十五年建

彭氏節孝坊

氏白為述妻坊乾隆四十五年建

李氏節孝坊

氏楊奇福妻坊乾隆四十五年建

甘氏節孝坊

氏張世桂妻坊乾隆四十五年建

曾氏節孝坊

氏濮達洪妻坊乾隆五十三年建

楊氏節孝坊

氏羅宏仁妻坊乾隆五十三年建

黃氏節孝坊

氏唐尙榮妻坊乾隆五十三年建

大竹縣志

卷三十八

金石

七

王氏節孝坊

氏楊裕蓬妻坊嘉慶十四年建

王將軍故里坊

在縣西一里乾隆六十年知縣劉佳琦為安漢侯平建

百歲坊

在縣城南街乾隆建

同堂壽滿百歲建五十五年為許志榮五代